

Վ. ԶԱՊԼԻՆԱ ՅԵՎ Ա. ԳԼԱԶՈՎ



ԿԻՆՈՒԼԻՆ

891 718

Զ-24

ՄԵՏԶՐԱՑ



891.7147

W

9-24

Վ. ԶԱՊԼԻՆԱ ՅԵՎ Ա. ԳԼԱԶՈՎ

2011-05

# ԿԻՆՈՒԼԻՆ

Թարգմ. Հ. Տ. ԳՐԻԳՈՐՅԱՆ

ՊԵՏՏՐՈՍ

ՀԼԿՑԵՄ ԿԿ ԿԻՑ ՄԱՆԿԱՊԱՏԱՆԵԿԱԿԱՆ ԳՐԱԿԱՆՈՒԹՅԱՆ ԲԱԺԻՆ  
ՅԵՐԵՎԱՆ 1938





2553  
38



Մոսկվայի կենդանաբանական այգու մասկա մայր  
առյուծը մի փոքրիկ առյուծիկ ծնեց: Մանկան չուզեց  
նրան կերակրել և լես առյուծիկին տարա մեր տուն:  
Առյուծիկն աչքան փոքրիկ եր, վոր ազատ աեղա-  
վորվում եր ափիս վրա: Նրա մորթը դեղին եր, գորշ





քծերով, գլուխը մեծ, քիթը կուզիկ: Նա կատվի ձագի պես մլավում եր: Նրա աչքերը միայն վեցերորդիորը բացվեցին: Աչքերը կապույտ ելին: Իմ վորդի Տուլյան ուզեց առյուծիկին անվանել «Կապտաչյա», բայց հետո վորոշեցինք «Կինուլի» անվանել:

Յես Կինուլիի համար զամբյուղի մեջ անկողին սլառաստեցի, իսկ չերբ անից դուրս ելի գնում, զամբյուղը կողպեքով փակում ելի և վոչ-վոքի մտքից չեր կարող անցնել թե զամբյուղի մեջ առյուծ ե ապրում:

Կինուլին շատ շուտ ընտելացավ ինձ և միշտ չետևիցս վազվզում եր: Յերբ լես կարդում ելի, նա սիրում եր սեղանի վրա նստել: Նստում եր ու նայում զըզխ, իբրև թե ինքն ել եր կարդում:

Վորպեսզի Կինուլին չտխրի, լես մի շոտլանդական





շուն ճարեցի, անունը  
Պերի: Յերբ Կինուլին  
առաջին անգամ դրեցի  
Պերիի մոտ, Պերին մռն-  
չաց, իսկ հետո սկսեց  
լիզել: Սա նշանակում էր,  
վոր նա Կինուլին վոր-  
դեգրեց:

Կինուլին, Պերին և  
Տոլյան սկսեցին միասին  
ապրել: Տոլյան զիշեր-  
ները մահճակալի վրա յեր  
քնում, Կինուլին բարձ-  
րանում էր բազմոցի  
վրա, իսկ Պերին քնում էր հատակի վրա, Տոլյայի մահ-  
ճակալի մոտ:



Առավոտյան Տոլյան ամենից շուտ էր զարթնում և  
կամացուկ կանչում էր «Կինուլի, արի՛ աչստեղ»: Կինուլին  
բաց էր անում աչքերը, ձգձգվում էր և վազում նրա մոտ:

Ամեն որ լես գնում էլի կենդանաբանական այգին  
աշխատելու, իսկ Տոլյան, Կինուլին և Պերին պատշգամ-  
բում նստում էլին ու ցած նայում: Պարտեզում լերեխա-  
ները խաղում էլին: Նրանք հաճախ կանչում էլին «Կի-  
նուլի, Տոլյա, յեկեք խաղանք»: Բայց Պերին մըթմըթում







եր և Կինուլին բաց չեր  
թողնում:

Յերեկոներն աշխատանքից  
հետո Կինուլին տանում էլի  
զբոսանքի: Ամեն կողմից ան-  
ցորդներ էլին հավաքվում և  
զոռում. «Տեսեք, առյուծ ե  
զալիս, առյուծ»: Տրամվայ-  
ները կանգ էլին առնում,  
ձիերը վախենում և փնչաղ-  
նում էլին, իսկ Կինուլին  
գնում եր հանդարտ, հաղ-  
թական տեսքով, վոչ վոքի  
վրա չեր նայում: Յերբ պետք  
եր փողոցի մյուս կողմն  
անցնել, միլիցիոները ձեռ-  
քը բարձրացնում եր և լեր-  
թեկու թյունը դադարեցնում,  
իսկ Պերին վազվզում եր Կի-  
նուլի շուրջը, քթով հըր-  
հըրում, գունչը լիզում:

Կինուլին նույնիսկ ավ-  
տոյով զբոսնեց: Նստած եր  
պատուհանի մոտ և դեպի  
փողոցն եր նայում: Շոֆերն







սկզբում շատ եր վախենում  
նույնիսկ, համենայն դեպս  
վիզը շորով փաթաթեց, իսկ  
հետո ասաց. «Վոր տուն վերա-  
դառնամ, կպատմեմ թե ինչ-  
պիսի ճամբորդ եմ տարել,  
բայց լերեի վոչ-վոք չի հա-  
վատա»:

Կինուլին և Տոլյան շատ  
խաղալիքներ ունեւին. կեզլի,  
շոգեշարժ, խորանարդներ,  
Ֆուտբոլի մեծ գնդակ: Տոլ-  
յան խորանարդներից տուն  
եր շինում, իսկ Կինուլին  
մոտենում, թաթով խփում եր  
և տունը փուլ եր գալիս:  
Տոլյան բարկանում, իսկ Կի-  
նուլին ուրախանում եր: Հենց  
վոր գնդակը վերցնում ելի,  
Կինուլին անմիջապես պառ-  
կում եր մեջքի վրա և նայում.  
շուտ կզցեմ գնդակն արգլոք:  
Յե բ գնդակը գցում ելի,  
Կինուլին ճանկերը խրում եր  
գնդակի մեջ, մոնչում եր և







զնդակի հետ թափալվում հատակի վրա: Տուլյան ել եր  
զնդակը բռնում: Կինուլիի ճանկերը մեծ-մեծ ելին, բայց  
չերբ Տուլյան նրա հետ խաղում եր, Կինուլին իր ճանկերը  
միշտ ներս եր քաշում, վախենում եր, վոր նրան ճանկ-  
ուտի:

Ամառն այսպես անցավ, իսկ աշնանը Կինուլին մրսեց  
և հիվանդացավ: Նա տխուր պառկած եր և վոշինչ չեր  
ուտում, շարունակ մրսում եր: Մենք նրա չորս կողմը  
տաք շեր շարեցինք, ելեքտրական ջեռուկ գրինք: Կինուլին



չեր թողնում վոր մոտիցը հեռանամ: Յերբ նրան թվում  
եր թե հեռանում եմ, թաթերը պարզում եր և խղճալի  
ձայնով կանչում, «Մա-ա-մա»:

Կենդանաբանական այգուց մի բժիշկ լեկավ: Նա դեղ  
նշանակեց, բայց Կինուլին չեր ուզում ընդունել: Այն  
ժամանակ լես մսի մի բարակ շերտ կտրեցի և դեղը նրա  
մեջ փաթաթեցի: Կինուլին կարծեց թե լես իրեն հյուրա-  
սիրում եմ մսով և դեղը կուլ տվեց: Կինուլին չերկար  
ժամանակ հիվանդ մնաց — մի ամբողջ ամիս: Մինչև ան-



գամ լրագրերում գրում ելին թե Կինուլին հիվանդ ե:  
Յերբ Կինուլին սկսեց առողջանալ, ծանոթ անձանոթ  
Նրան այցելու թան ելին գալիս: Նրանք բոլորն ել սի-  
րում ելին տեսնել թե ինչպես ե Կինուլին բան ուտում:  
Կինուլին արդեն մեծացել եր: Նրա համար ճաշ ելինք յե-  
փում մեծ կաթսալի մեջ յերկու կիլո մսից, տեսակ-տեսակ  
բանջարեղենից, սոխից, կորկոտից:

Կինուլին առողջացավ և նորից սկսեց սենյակներում  
վազվրզել, յերեխաների հետ խաղալ: Յերեխաները մոտե-  
նում ելին մեր դռանը, բանալու անցքից կամացուկ ասում  
ելին. «Կինուլի, արի խաղանք»: Կինուլին հասկանում եր.  
մոտենում եր դռանը, յետևի թաթերի վրա կանգնում, իսկ  
առջևի թաթով բռնակը քաշում, դուռը բաց եր անում և  
վազում միջանցք: Բայց միջանցքում արդեն վոչ-վոք  
չեր լինում: յերեխաները թագնվում ելին: Կինուլին  
փնտրում եր և խոհանոցում, և յողարանում և սեղանի տակ:



Յերբ Նրանց գտնում եր, ուրախանում եր, հետո ել  
ինքն եր թագնվում: Նա միշտ թագնվում եր նեղ միջանց-  
քում, պահարանի յետևում: Կանգնում եր ու նայում  
յերեխաներին, իսկ յերեխաները ձևացնում ելին իբրև թե  
փնտրում են Նրան:

Յեթե Նրան անմիջապես գտնում ելին, նա վիրա-  
վորվում, հեռանում եր և այլևս չեր խաղում: «Կինուլին  
ո՞վ ե տեսել», հարցնում ելին յերեխաները միմյանց: Յեվ  
շարունակում ելին փնտրել, մինչև վոր Կինուլին ինքը  
դուրս եր գալիս:


Կինուլին Տոլլալի շոգեշարժը շատ եր սիրում:





Բռնում եր, բայց նրանով խաղալ չեր կարողանում, միայն կրծոտում եր ու շարդում: Տուլյան բազկաթուռի լեակը թագնվում եր, Կինուլին կանչում, ուզում եր շոգեշարժը նրանից մի կերպ վերցնել:

Յերեխաների ամենահետաքրքրական խաղը «առյուծներին վրա վորսի դուրս գնալն եր»: Նրանք հավաքվում ելին միջանցքում և լերկու խմբի բաժանվում: Մի խումբը միջանցքի մի ծայրին եր կանգնում, մյուս խումբը՝ մյուս ծայրին, իսկ մեջտեղում՝ Կինուլին: Բոլորը շունչներն իրենց քաշած, սպասում ելին: Հանկարծ լերեխաներից մեկը մի խմբից մյուս խմբի մոտ եր վազում, դա վորսորդն եր: Կինուլին թուշում եր նրա վրա և լեթե



վոտից բռնում եր, նշանակում եր, վոր նա սպանված ե, լեթե գիպչում եր, ուրեմն վիրավորված եր, իսկ լեթե վորսորդին հաջողվում եր Կինուլի մոտից վազելով անցնել, ուրեմն Կինուլին հաղթված եր: Իայց Կինուլին շատ քիչ եր հաղթվում, իսկ լերբ մեծացավ, միշտ հաղթում եր:

Մի անգամ լերեխաները մտածեցին Կինուլի հետ ուղղակի խաղ խաղալ. հակազակեր հագան և չորեքթաթ սողացին դեպի Կինուլին: Կինուլին սկզբում շվախեցավ, միայն զարմացավ, իսկ հետո, լերբ լերեխաները մոտ գնացին, նա աչնպես մոնչաց, վոր Տուլյան հակազակն իսկույն հանեց և ասաց. «Կինուլի, մենք ենք, ինչո՞ւ վախեցար»: Կինուլին Տուլյային տեսավ, ծանոթ ձայնո լսեց և ուրախացավ:







Պատ. խմբագիր՝ Հ. Հայրապետյան  
Տեխ. խմբագիր՝ Ան. Գասպարյան  
Սրբադրիչ՝ Ա. Արզաբանյան

Ապրելի 20-ին Կինուլի մեկ տարին լրացավ Բակի և նույնիսկ ամբողջ փողոցի լեռնասաները լեկան շնորհավորելու և ընծաներ բերեցին. նոր Փուտբոլի գնդակ, կեզլի, մեծ արկղ խորանարնդեր: Այդ ուրը Կինուլին նրստած եր բազմոցի վրա և ճաշում եր բոլորի հետ: Նրա համար պատրաստեցինք իր սիրած ճաշը՝ խմորաթելով արգանակ, ձվածեղ և կատյետ: Ճաշի ժամանակ նամակաբերը լեկավ և Կինուլի համար շնորհավորական նամակներ բերեց: Ծրարի վրա գրված եր. «Կինուլի Չապլինանային»: Իսկ նամակները բոլորն ել միատեսակ ելին. «Միրելի Կինուլի, շնորհավորում ենք քո ծննդյան ուրը: Մենք քեզ շատ ենք սիրում և ուզում ենք տեսնել»:

88  
52

Մի քանի որից հետո Կինուլին տարան կենդանաբանական այգին: Յեթե ուզում եք նրա հետ ծանոթանալ՝ գնացեք կենդանաբանական այգին:

Այնտեղ գուր կտեսնեք նրան:

Գլավիտի լիազոր Կ-4618 Հրատ. 4201. Պատ. 32.  
Տիրքով 5000.  
Թուղթ 62x94 տղ. 1 1/4 մամ մեկ մամ 23 712 նիշ.  
Հեղինակային 1/4 մամ

Հանձնված է արտադրության 20 ոգոստ. 1937 թ.  
Ստորագրված է տպելու 15 փետրվարի. 1938 թ.

Գինը 70 կոպ.

Պետհրատի տպարան, Յերեան Լենինի փող. 66





«Ազգային գրադարան»



NL0391373



4544

ԳԽԵ 70 400



Վ. ՇԱՊԼԻՆԱ և Ա. ԳԼԱՅՈՎ  
ԿԻՆՉՄԻ  
ԳԻՅ. ԱՐՄ. ՍՏՐ. ԵՐԵՎԱՆ